



Broj: 22-44-524/17

Datum, 23.03.2017. godine

Na osnovu člana 70. stav 2. Zakona o organizaciji organa uprave u FBiH ("Službene novine Federacije BiH" br.: 35/05) a u vezi sa članom 17. stav 1. Zakona o javnim nabavkama BiH ("Službeni glasnik BiH", br.:39/14) i članom 2. Pravilnika o postupku direktnog sporazuma Kantonalne uprave civilne zaštite Kantona Sarajevo broj: 22-44-401/15 od 25.03.2015. godine, Direktor Kantonalne uprave civilne zaštite Kantona Sarajevo **d o n o s i**

O D L U K U
o pokretanju javne nabavke putem direktnog sporazuma

I

Ovom Odlukom se pokreće postupak javne nabavke putem direktnog sporazuma za nabavku usluge "servisiranja vatrogasnih aparata" (periodični pregled aparata, punjenja aparata i kontrolni pregled aparata) sukcesivno prema potrebama ugovornog organa u trajanju 12 mjeseci od dana potpisivanja ugovora, a sve prema specifikaciji iz obrazca za cijenu ponude.

II

Vrijednost javne nabavke iz tačke I ove Odluke procjenjuje se na iznos do 6.000,00 KM (šest hiljada KM) bez PDV-a.

III

Sredstva za nabavku iz tačke I ove odluke se osiguravaju iz planiranih budžetskih sredstava Kantonalne uprave civilne zaštite Kantona Sarajevo za 2017. godinu sa ekonomskog koda: 613 700 –Izdaci za tekuće održavanje.

IV

Ova Odluka stupa na snagu danom donošenja.

DIREKTOR
mr. Mustafa Kovač





Broj: 22-44-524-3/17

Datum: 12.04.2017. godine

Na osnovu člana 70. stav 1., 2. i 3. Zakona o javnim nabavkama Bosne i Hercegovine („Službeni glasnik BiH“, broj: 39/14) i odredbama Pravilnika o postupku direktnog sporazuma Kantonalne uprave civilne zaštite Kantona Sarajevo broj: 22-44-401/15 od 25.03.2015. godine, Direktor Kantonalne uprave civilne zaštite Kantona Sarajevo d o n o s i

ODLUKU
o izboru

Član 1.

Ugovor za javnu nabavku usluge servisiranja vatrogasnih aparata putem direktnog sporazuma dodjeljuje se ponuđaču "GRANULO-RE" d.o.o. Sarajevo prema ponudi broj 316-4/17 dostavljenoj 07.04.2017. godine za ponuđenu cijenu od 3.870,59 KM (slovima: trihiljadeosamstotinasedamdeset KM i 59/100), kao najpovoljnijem ponuđaču.

Član 2.

Prijedlog ugovora o nabavci dostavit će se na potpis izabranom ponuđaču "GRANULO-RE" d.o.o. Sarajevo.

Član 3.

Ova Odluka stupa na snagu danom donošenja.

Obrazloženje

Direktor Kantonalne uprave civilne zaštite Kantona Sarajevo donio je Odluku o pokretanju postupka javne nabavke broj: 22-44-524/17 od 23.03.2017. godine.

U skladu sa članom 5. Pravilnika o postupku direktnog sporazuma Kantonalne uprave civilne zaštite Kantona Sarajevo broj: 22-44-401/15 od 25.03.2015. godine, Kantonalna uprava civilne zaštite Kantona Sarajevo je na terenu ispitivala tržište, te uputila zahtjev za dodjelu pismene ponude petorici (pet) ponuđača. Pristiglo je ukupno tri (3) ponude u zadanom roku za dostavu ponuda.

Kako je ponuđač "GRANULO-RE" d.o.o. Sarajevo dostavio najpovoljniju ponudu od pristiglih ponuda i zadovoljava potrebe Kantonalne uprave civilne zaštite Kantona Sarajevo, a koje su predmet ovog postupka, odlučeno je kao u dispozitivu ove Odluke.

Pouka o pravnom lijeku:

Protiv ove Odluke ponuđač može izjaviti žalbu u roku od 5 (pet) dana od dana prijema Odluke o izboru. Žalba se podnosi ugovornom organu kao prvostepenoj instanci u žalbenom postupku.

Dostaviti:

- "GRANULO-RE" d.o.o Sarajevo
- Ministarstvo finansija Kantona Sarajevo
- a/a

DIREKTOR

mr. Mustafa Kovač



U G O V O R
o javnoj nabavci putem direktnog sporazuma
"usluge servisiranja vatrogasnih aparata"

Zaključen dana 18.04.2017. godine u Sarajevu između:

1. **KANTONALNA UPRAVA CIVILNE ZAŠTITE KS**, ul. Hamida Dizdara 1, Sarajevo, koju zastupa direktor Mustafa Kovač (u daljem tekstu: **Naručilac**), s jedne strane,
2. **GRANULO-RE d.o.o. Sarajevo Bojnička br.47 Sarajevo**, koju zastupa direktor Granulo Ramiz, (u daljem tekstu: **Izvršilac**), s druge strane.

Član 1.

Predmet ovog Ugovora je nabavka putem direktnog sporazuma "usluge servisiranja vatrogasnih aparata" prema zahtjevu za dostavu ponude broj: 22-44-524-1/17 od 03.04. 2017. godine.

Ugovor se zaključuje na osnovu Odluke o izboru najpovoljnijeg ponuđača broj: 22-44-524-3/17 od 12.04.2017. godine i ponude Izvršioca broj: 316-4/17 od 07.04.2017 godine, izabrane od strane **Naručioca**.

Član 2.

Izvršilac se obavezuje, da će usluge iz člana 1. ovog Ugovora izvršavati kvalitetno i pravovremeno, prema iskazanim potrebama **Naručioca**, u periodu od 12 (dvanaest) mjeseci od dana potpisivanja ugovora.

Član 3.

Ukupno ugovorena cijena za izvršenje usluga iz predmeta ovog ugovora iznosi do 3.870,59 KM (slovima: trihiljadeosamstotinasedamdeset KM i 59/100), U ukupno ugovorenu cijenu iz predhodnog stava ovog člana, su uračunati troškovi PDV-a i isti padaju na teret **Naručioca**.

Član 4.

Plaćanje usluga iz člana 3. ovog Ugovora, **Naručilac** će izvršiti uplatom na račun **Izvršioca** br: 1540012000118921 kod Intesa Sanpaolo Banka dd Sarajevo, sukcesivno prema obavljenim uslugama, a na osnovu ispostavljenih računa. **Izvršilac** je saglasan da **Naručiocu** neće zaračunavati zatezne kamate za zakašnjenje pri plaćanju preko "Trezora" Ministarstva finansija Kantona Sarajevo, ako je **Naručilac** u ugovorenom roku predao nalog za plaćanje, a **Izvršilac** primio uplatu s odgodom od jednog ili više dana od ugovorenog roka iz stava 1. ovog člana.

Član 5.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

Član 6.

Ugovorne strane su saglasne da će sve eventualne sporove riješiti mirnim putem, sporazumno, a u suprotnom nadležan je Općinski sud u Sarajevu.

Član 7.

Ovaj Ugovor stupa na snagu danom njegovog potpisivanja od strane ovlaštenih predstavnika **Naručioca** i **Izvršioca**.

Član 8.

Ugovor je sačinjen u 4 (četiri) istovjetna primjerka, od kojih svaka od ugovornih strana zadržava po 2 (dva) potpisana i ovjerena primjerka.

IZVRŠILAC

DIREKTOR

Ramiz Granulo




19-17 

U Sarajevu, 18.04.2017. godine

NARUČILAC

DIREKTOR

mr. Mustafa Kovač

Broj: 22-44-524-5/17